



THEOT Micah in Bodleian Huntington 625

Ff. 103r–106r

For the book of Micah the following people were involved in creating drafts 1 through 3:
Anke Gorman, Steve Delamarter, Jeremy Brown, Garry Jost, Curt Niccum, Sam Aldridge, Shaun Short;
draft 4, Daniel Assefa; draft 5 Ralph Lee

Nota bene: the images of this manuscript are not currently available

Mic 1:01 ወኮነ ቃለ እግዚአብሔር ኀበ [ሚ]ክያስ ወልደ ሞራት በመዋዕለ ኢዮኢታም ወአካዝ ወሕዝቂያስ ነገሥተ ይሁዳ ዘርእየ በእንተ ሰማርያ ወበእንተ ኤሩሳሌም።

Mic 1:02 ስምዑ አሕዛብ ወታጽምእ ምድር ወ{.}ኩሎሙ እለ ይነብሩ ውስቴታ ወይኩንክሙ እግዚአብሔር ሰማዕተክሙ እግዚአብሔርስ ውስተ ቤተ መቅደሱ።

Mic 1:03 ናሁ እግዚአብሔር ይወፅእ እምቤቱ ወይወርድ ወይነብር (ዲበ መልዕተ) ምድር።

Mic 1:04 ወያንቀለቅሉ አድባር በታሕቱ ወይትመሰው አውግር ከመ ሰምዕ እምገጸ እሳት ወከመ ማይ ዘይውሕዝ እ{.}ምአድባር፡

Mic 1:05 ዝንቱ ኩሉ ዘይከውን በእንተ ኀጢአቱ ለያዕቆብ ወበእንተ ጌጋዮሙ ለቤተ እስራኤል ምንትኑ ኀጢአቱ ለያዕቆብ አኮኑ ሰማርያ ወምንትኑ ጌጋዮሙ ለቤተ (ይሁዳ አኮኑ) እስራኤል፡

Mic 1:06 ወእሬስያ ለሰማርያ ከመ ልገተ ዓቃቤ ቀምኅ በገዳም ወከመ ተክለ ወይን ወእነሥቶ ለእበኒሃ ወአንሕሎ መሰረታቲሃ፡

Mic 1:07 ወይሰብሩ ኩሎ ግልፎሃ ወያውዕዩ በእሳት ኩሎ ደነሳ ወአጠፍእ ኩሎ ጣዖታ እምደነሰ ዝሙታ እስመ አስተጋብኦቶሙ በደነሳ ማሕዛኒሃ ወተገብረት፡

Mic 1:08 በእንተ ዝንቱ ወትበኪ። ወትላሑ ወትሐውር ዕራቃ ዘእንበለ አሥእን ወትበኪ ከመ ከይሲ ወትላሑ ከመ አዋልደ ሲርኖን፡

Mic 1:09 እስመ ጸንዐ መቅሠፍታ። እስመ መጽአ(ት) እስ(ከ ይሁ)ዳ (ወበጽሕት እስከ) አናቅጸ ሕዝብየ እስራኤል እስከ ኢየሩሳሌም።

Mic 1:10 ኢኬ ትዘሀሩ ሰብአ ጌት ወኢትሕንጹ እለ ውስተ አቂም ቤተ ኀሳርክሙ ሐመደ ደዩ ውስተ ርእሱ ለኀሳርክሙ፡

Mic 1:11 እንተ ትነብር ሠናየ ውስተ አህጉሪሃ ወኢትወፅእ እንተ ትነብር ውስተ ሰናኦር ወይበኪዩ ምስሌሃ አብያት ዘጎራ ወይነሥኡ እምኔክሙ መቅሠፍተ ወጸዕረ።

Mic 1:12 ም{...}ንተ ብኪ ምስለ ሠናይት እንተ ትነብር ውስተ ማሕመም። እስመ ወረደት እኪት እምኀበ እግዚአብሔር ላዕለ አናቅጸ ኤሩሳሌም፡

Mic 1:13 ድምፀ ሰረገላ ላዕለ እንተ ትነብር ለኪስ መልአከ ኀጢአት ውእቱ ለወለተ ጽዮን እስመ (ላዕሌኪ) ተረክበ ጣዖተ እስራኤል፡

Mic 1:14 በእንተ ዘፈነውኪ ሐዋርያተ (ውስተ) መክፈልተ ጌት። ከንቶ ኮኑ ወዓርቂ አብያተ መንግሥተ እስራኤል።

Mic 1:15 ወይወስዶሙ ለሰብአ ለኪስ ኀበ መዋርስት። ወይወርስዎሙ አ{.}ስከ አዶለም ወያመጽኡ ክብረ ለወለተ እስራኤል።

Mic 1:16 ግምሒ ርእሰኪ ወተላጸዩ ላዕለ ደቂቅኪ ለሕድ። አርኀቢ ክነፊኪ ከመ ንስር እስመ ዪውውዎሙ እምኀበኪ፡

Mic 2:01 ወመከሩ ጎጢአተ ወገብሩ እኩየ በውስተ ምስካቦሙ ወበአሐቲ ዕለት ፈጸምዋ፡ ወኢያንሥኡ እደዊሆሙ ጎበ እግዚአብሔር፡

Mic 2:02 ወፈተዉ ገራውሀ ወሄዱ አብያተ ወተአገሉ እጓለ ማውታ ወበርበርዎ ለብእሲ ምስለ ቤቱ። ወመሰጡ ብእሴ ምስለ ርስቱ።

Mic 2:03 በእንተ ዝንቱ ከመዝ ይቤ እግዚአብሔር። ናሁ አነ መከርኩ እኩየ ላዕለ ዝንቱ ሕዝብ በዘ ኢያንሥኡ እንከ ክሳዶሙ ወኢይሐውሩ እንከ ርቱዐ ፍኖተ እስመ ታወግቦሙ እኪት ዕለት።

Mic 2:04 ይእተ አሚረ ይሚስሉ ላዕሌክሙ ምሳሌ ወታስቆቅው ሰቆቃወ ወትብሉ ጎበርነ ወጎርተምነ። ወይሰፍርዋ በሐብል ለምድረ ሕዝብየ። ወአልቦ ዘይከልእ ወዘያጎድግ። ወይትካፈሉ ገራህዊክሙ።

Mic 2:05 በእንተ ዝንቱ ኢትረክቢ ዘያአውድ ለኪ ሐብለ ዲበ መክፈልትኪ ውስተ ማጎበረ እግዚአብሔር፡

Mic 2:06 ኢትብኪዩ ወኢታንብው። በእንተ ዝንቱ እስመ ኢየጋድግ ጎሳርክሙ

Mic 2:07 ዘይቤ ቤተ ያዕቆብ አምዕው መንፈስ እግዚአብሔር። በዝንቱ ጌጋዩ እንዘ ነገሩ ሠናየ በጎቤሁ ወርቱዓን የሐውሩ ቦቱ ወያሜልኡ ቅድመ፡

Mic 2:08 ወሕዝብየስ ተቃወምዋ ቅድሚሃ ለሰላሞሙ ይፃረርዋ ወሰለብዎ ኩናቶ ወ(አ)ጎደግዎ ትውክልቶ። ወይቀጠቅጥዎ በውስተ ቀትል።

Mic 2:09 ወበበይነ ዝንቱ ይገድፍዎሙ ለመላእክተ ሕዝብየ እምውስተ ትርሲተ አብያቲሆሙ ወይሰድድዎሙ። እስመ እኩይ ምግባሪሆሙ። ቅረቡ አድባር እለ እምፍጥረተ ዓለም፡

Mic 2:10 ወተንሥእ ወሐር እስመ ኢኮነት እንቲአከ። ዛቲ ዕረፍት በእንተ ርኩስክሙ ጠፋእክሙ ወጎለቅክሙ፡

Mic 2:11 ወጉየይክሙ ዘአልቦ ዘይዴግነክሙ። ጋኔን አቀመ ለከ ሐሰተ ወአውጻሕከ ሎቱ ወይነ ወጼተሉ ወይኩን በንፍኒፎሙ (ለ)ዝንቱ ሕዝብ።

Mic 2:12 ይትጋባእ ያዕቆብ ምስለ ኩሎሙ እለ ይፀንሑ እምፀንሖሙ። ለተረፈ እስራኤል። ወእራጌያ ጎቡረ ለሚጠቶሙ ከመ አባግዕ ውስተ መጽብብ ወከመ መርዔት ውስተ ምብያቲሆሙ ወይትባልሑ እምሰብእ።

Mic 2:13 በእንተ ቅትለቶሙ ዘቀተሉ በቅድመ ገጽሙ። ወጎለፉ እምአናቅጽ ወወፅኡ እንተ ውስቲታ ወሐረ ንጉሥሙ ቅድመ ገጽሙ ወእግዚአብሔርኒ ይመርሖሙ።

Mic 3:01 ወይብል ስምዑ ዘንተ መኳንንተ ቤተ ያዕቆብ ወተረፈ ቤተ እስራኤል ኢኮነ ለክሙ አእምሮ ፍትሕ፡

Mic 3:02 እለ ትጸልኡ ሠናየ ወተጎሥሡ እኩየ ወትመስጥዎሙ አምእስቲሆሙ እምላዕሌሆሙ ወሥጋሆሙ እምውስተ አዕጽምቲሆሙ።

Mic 3:03 ወበከመ በልዕዎሙ ሥጋሆሙ ለሕዝብየ ወአውፅኡ አምእስቲሆሙ እምላዕላ አዕጽምቲሆሙ። ወገመዱ መሌሊቶሙ ከመ ሥጋ ውስተ ጽህርት ወከመ አባል ውስተ መቅጹት፡

Mic 3:04 ቀዲሙ (ከማሁ) ይጸርኑ ጎበ እግዚአብሔር ወኢይሰምዎሙ ወይመይጥ ገጽ እምኔሆሙ። ይእተ አሚረ እስመ አሕሰሙ ገቢረ ላዕሌሆሙ።

Mic 3:05 ከመዝ ይቤ እግዚአብሔር ላዕለ ነቢያት እለ ያስሕትዎሙ ለሕዝብየ እለ ይኔዝርዎሙ በስነኒሆሙ። ወይሰብኩ ሎሙ ሰላመ ዘአልቦ ዘአዘዞሙ ወአንሥኡ ላዕሌሆሙ ቀትለ።

Mic 3:06 በእንተ ዝንቱ ሌሊተ ይከውነክሙ ርእይክሙ ወጽልመተ ይከውነክሙ ሰገልክሙ ወይዐርቦሙ ፀሐይ ለነቢያት ወይጸልሞሙ ምዓልተ፡

Mic 3:07 ወይትጎፈሩ ሐላመያን ሕልመ ሐሰት። ወይስሕቅዎሙ ለሰብእ ሰገል ወይሐምይዎሙ ለኩሎሙ። ወአልቦ ዘያጸምኡሙ፡

Mic 3:08 እንከ ለእመ አነ ኢመላእኩ ጎይለ መንፈስ እግዚአብሔር ወጎይለ (ወ)ፍትሕ ከመ ይንግርዎ ለያዕቆብ ጎጢአቶ ወለእስራኤል እከዮ፡

Mic 3:09 ስምዑ ዘንተ መኳንንተ ቤተ ያዕቆብ ወተረፈ ቤተ እስራኤል እለ ታስቆርርዋ ለጽድቅ ወትገፈትእዋ ለርትዕ፡

Mic 3:10 እለ የሐንጽዋ ለጽዮን በደም። ወለኤሩሳሌም በዓመፃ፡

Mic 3:11 መኳንንቲሃኒ በሕልያ[ን] ይኳንኑ። ወካህናቲሃኒ በዓስብ ያወሥኡ። ወነቢያቲሃኒ በወርቅ ያሰግሉ። ወላዕለ እግዚአብሔር ያሰምኩ። ወይብሉ አኮኑ እግዚአብሔር ምስሌነ ወኢይረክበነ እንከ እኩይ፡

Mic 3:12 በእንተ ዝንቱ በበይነ ዚኣክሙ የሐርስዋ ለጽዮን ከመ ገራህት ወ(ት)ከውን ኢየሩሳሌም ከመ ልገተ ዐቃቤ ቀምኅ ወደብረ [ቤ]ቱሂ ከመ እመ ገዳም።

Mic 4:01 ወይከውን በደኅሪ መዋዕል ያስተርኢ ደብረ እግዚአብሔር (ድልወ) ውስተ ኦርእስተ አድባር ወይትሌዐል መልዕልተ አውግር ወይረውጹ አሕዛብ ኅቤሁ

Mic 4:02 ወየሐውሩ ብዙኃን አሕዛብ ወይብሉ ንዑ ንዕረግ ደብረ እግዚአብሔር ውስተ ቤተ ያዕቆብ ወያ(ር)እዩነ ፍኖቶ ወንሐር በአሰሩ እስመ እምጽዮን ይወፅእ ሕግ ወቃለ እግዚአብሔር እምኢየሩሳሌም።

Mic 4:03 ወይኳንን ማእከለ ብዙኅን አሕዛብ ወይዘልፎሙ ለአሕዛብ ጽኑዓን እስከ ነዋኅ ብሔር ወ(ይ)ሜትሩ ኩያንዊሆሙ ለማኅረስ ወአስያፊሆሙ ለማዕፅድ ወኢያነሥእ እንከ ኩናተ ሕዝብ ላዕለ ሕዝብ ወኢትሜሆሩ እንከ ቀትለ፡

Mic 4:04 ወያዓርፉ ኩሎሙ ታሕተ ወይኖሙ ወታሕተ በለሶሙ ወአልቦ ዘይጌርሞሙ እስመ አፋሁ ለእግዚአብሔር ነበበ ዘኩሎ ይመልክ፡

Mic 4:05 እስመ ኩሎሙ አሕዛብ የሐውሩ በፍኖቶሙ ወንሕነስ ነሐውር በስመ እግዚአብሔር አምላክነ ለዐለም ወዐዲ፡

Mic 4:06 ይእተ አሚረ ይቤ እግዚአብሔር ወአስተጋብአ ለቅጥቅጥ። ወእትወከፋ ለግድፍት ለእንተ አርሐቅዋ፡

Mic 4:07 ወእሬሲያ ለቅጥቅጥ ትርፍተ ወለግድፍት ሕዝበ ጽንዕተ። ወይነግሥ ሎሙ እግዚአብሔር በደብረ ጽዮን እምይእዜ ወእስከ ለዐለም።

Mic 4:08 ወአንተሂ መሐፈደ ኖሎት ከመ ፀበል ወትመጽእ ወለተ ጽዮን ውስቴትኪ። ወትቀድም መዊአ ቀዳሚት መንግሥት እምባቢሎን ወለተ ኢየሩሳሌም።

Mic 4:09 ወይእዜኒ ለምንት መከርኪ እኩየ ንጉሥኑ አልብኪ ወጠፍአኑ ልብኪ ከመ ይእኅዝኪ ማሕመም ከመ አንተ ትወልድ።

Mic 4:10 ሐመምኪሂ ወተዐገስኪ እንከ ወቅረቢ ወለተ ጽዮን ከመ እንተ ትወልድ። እስመ ናሁ ይእዜ ትወፅእ እምሀገር ወትኅድሪ ውስተ ገዳም ወትበጽሒ እስከ ባቢሎን ወበህየ ያድኅኪ ወበህየ ያነግፈኪ እግዚአብሔር አምላክኪ እምእደ ፀርኪ።

Mic 4:11 ናሁ ይእዜ ይትጋብኡ ብዙኃን አሕዛብ ላዕሌኪ እለ ይብሉ ንትፌሣሕ ላዕሌኪ ወይ(ሬ)እያኪ አዕይቲነ ጽዮን፡

Mic 4:12 ወእሙንቱስ ኢያእመሩ ዘመከረ እግዚአብሔር ወኢ(ያ)እመሩ ዘሐለየ። እስመ አስተጋብአሙ ከመ ክልስስት ውስተ ዐውደ እክል።

Mic 4:13 ተንሥኢ አኪድዮሙ ወለተ ጽዮን እስመ እሬስዮ ዘኅጺን ለአቅርንትኪ። ወእሬስዮን ዘብርት (ለ)ወለትዊኪ። ወትመስወዮ(ሙ ለ)ብዙኅን አሕዛብ ወትኅርምዮሙ ለእግዚአብሔር ብዝኖሙ ወኅይሎሙኒ ለእግዚአብሔር በኩሎ ምድር።

Mic 4:14 ናሁ ይእዜ የዐግትዋ ለወለተ ጽዮን ወይሐርስዋ በበትር ዘይዘብጡክሙ ውስተ መላትኒክሙ ሕዝበ እስራኤል፡

Mic 5:01 ወአንተኒ ቤተ ልሔም ኤፍራታ። ውሑድ አንቲ ከመ ትኩኒ አእላፈ ይሁዳ እምኔኪ። ይወፅእ ንጉሠ እስራኤል ወፍናዊሁ ዘእምፍጥረተ ዐለም።

Mic 5:02 በእንተ ዝንቱ ትሁቦሙ እስከ ጊዜ ትወልድ ወ{.}እለ ተርፉ አኅዊሆሙ ይትመየጡ ኅበ ደቂቀ እስራኤል፡

Mic 5:03 ወይቀውም ወይሬኢ ወይሬዒ መርዔቶ በኅይለ እግዚአብሔር ወበስብሐተ ስመ እግዚአብሔር አምላኩሙ ይሄልው። እስመ ናሁ ይእዜ የዐቢዩ አጽናፈ ምድር፡

Mic 5:04 ወትከውን ዛቲ ሰላም አመ መጽኡ ፋርስ ውስተ ምድርክሙ ወአመ ዐርጉ ውስተ ብሔርክሙ። ወይትነሥኡ (ሰብዓቱ ኖ)ሎት ላዕሌሁ ወሰመንቱ ሰራዊት።

Mic 5:05 ወይርዕይዎ ለእሱር በኩናት ለምድረ ኔብርድ። በውስተ ሕዝአቱ ወይድኅን እምእሱር። አመ መጽኡ ውስተ ብሔርክሙ። ወአመ ዐርጉ ውስተ አድባሪክሙ፡

Mic 5:06 ወይከውን ተረፈ ያዕቆብ ውስተ አሕዛብ በማእከለ ብዙኅ ሕዝብ ከመ ጠል ዘይወርድ እምኅበ እግዚአብሔር ወከመ አባግዕ ውስተ ተሐግ ከመ ኢይትጋእ ወኢአሐዱ ወኢይቁም ውስተ ደቂቀ እንለ እመሕያው።

Mic 5:07 ወይከውን ተረፈ ያዕቆብ ማእከለ ብዙኅ አሕዛብ ከመ አንበሳ ውስተ እንስሳ በገዳም። ወከመ እንላ አንበሳ ውስተ መርዔተ አባግዕ ከመ ሶበ ይመጽእ ወይሰርር ወይመስጥ ወአልቦ ዘያነግፎ።

Mic 5:08 ከማሁ ትትሌዐል እዴከ ዲበ እለ ይሣቂዩከ ወይሄረው ኩሎሙ ፀርከ።

Mic 5:09 ወይከውን ይእተ አሚረ ይቤ እግዚአብሔር እሄርዎን ለአፍራሲከ በማእከሌከ ወአጠፍእ ሰረገላከ።

Mic 5:10 ወእሄርዎን ለአህጉረ ብሔርከ (ወ)አንሕል ኩሎ {.} አጽዋኒከ።

Mic 5:11 ወእስዕር ኩሎ ስራያቲከ እምእደዊከ ወአልቦ ዘይትዋሣእ ለከ።

Mic 5:12 ወእሄሩ ግልፎ(ከ) ወምሰሊከ እማእከሌከ ወኢትሰግድ እንከ ለግብረ እደዊከ።

Mic 5:13 ወእገዝም ምሕራማቲከ በማእከሌከ ወአጠፍኦን {.} ለአህጉረከ።

Mic 5:14 ወእገብር በቀለ ውስተ አሕዛብ በመዐትየ ወበመቅሠፍትየ እስመ ኢሰምዑኒ።

Mic 6:01 [.]ስምዑ ቃለ እግዚአብሔር ዘይቤ እግዚአብሔር ተገሥእ ተዋቀሦሙ ለአድባር ወይሰምዑ አውግር ቃለከ።

Mic 6:02 ስምዑ አሕዛብ ቅሥተ እግዚአብሔር ወቈላት መሰረተ ምድር። እስመ ይትዋቀሦሙ እግዚአብሔር ለሕዝቡ። ወይዘልፎሙ ለእስራኤል።

Mic 6:03 እንዘ ይብል ሕዝብየ ምንተ ረሰይኩከ ወምንተ አ[ት]ከዝኩከ ወምንተ አጻሐብኩከ ንግረኒ።

Mic 6:04 ናሁ አውግእኩከ እምድረ ግብጽ ወባላሕኩከ እምቤተ ቂኔ። ወፈነውኩ ቅድሚከ ምሴሃ ወአሮንሃ ወማርያሃ።

Mic 6:05 ተዘከር ሕዝብየ ዘመከረ ሳዕሌከ ንጉሠ ሞአብ። ወምንተ አውሥአ በለዎም ወልደ ቤያር እምነ ሰኪኖን እስከ [ገልገ]ላ ከመ ይትዐወቅ ጽድቁ ለእግዚአብሔር።

Mic 6:06 በምንትኑ እንጋ እረክቦ ለእግዚአብሔር ወእትወከፎ ለአምላኪየ ልዑል እረክቡ እንጋ በመሥዋዕተ አልህምት ዘዐመት።

Mic 6:07 ወይትወከፍኑ እንጋ እግዚአብሔር በአእላፍ አባግዕ ወእምአኮ (በአእላፍ) ሐራጊት ስቡሐን ወእምአኮ በበኩርየ በፍሬ ከርሥየ በእንተ ኀጢአትየ ወበጌጋየ ነፍስየ።

Mic 6:08 እመቦ ዘነገረከ ሰብእ ምንት ሠናይ ወምንተ ይፈቅድ እግዚአብሔር እምኔከ ዘእንበለ ከመ ትገብር ጽድቀ ወታፍቅር ምጽዋተ። ወትኩን ጥቡዐ ከመ ትትልዎ ለእግዚአብሔር አምላክከ።

Mic 6:09 ቃለ እግዚአብሔር ትሰምይ በሀገርከ ከመ ያድኅኖሙ ለእለ ይፍርሁ ስሞ። ስማዕ ሕዝብየ መኑ ያስተፊሲ ሀገረ።

Mic 6:10 እሳትኑ ለቤተ ዐማፂያን። እለ ይዘግቡ መዛግብተ ዐመፃ ወይገፍዑ ወየኀስሩ።

Mic 6:11 እለ ያጸድቁ በመዳልወ ዐመፃ ወቅኅተ መዳልወ ተምያን።

Mic 6:12 እለ መልእኮ ለብዕሎሙ በዐመፃ ወእለሂ ይነብሩ ወስቴታ ሐሰተ ይትናገሩ። ወልሳኖሙ ዘጉሕሉት ውስተ አፋሆሙ።

Mic 6:13 ወእነሂ እእኀዝ እቀትልኪ ወአጥፍእኪ በእንተ ኀጢአትኪ።

Mic 6:14 ወብልዒ ወኢትጸግቢ (ወይጸልመኪ) ወትመውቲ ወኢትሕየዊ ወኩሎሙ እለ ድኅኑ በኩናት ይወድቁ በረኃብ።

Mic 6:15 ወትዘርኢ ወኢትእረሪ ወ{.}ትተክሊ ዘይተ ወኢትቅብኢ ቅብአኪ ወኢትሰትይ ወይነኪ ወይማስን ሥርዓቶሙ ለሕዝብየ።

Mic 6:16 ወዐቀብኪ ሕጎ ለዝንብሪ ወኩሎ ምግባረ ቤተ አካአብ ወሐርክሙ (በ)ምግባሮሙ ከመ ያብእኪ ውስተ ሙስና ወእለሂ ያነብሩ ውስቴታ ምስሌሆሙ ውስተ ኀሳር ወጽእለተ አሕዛብ ይረክቦሙ።

Mic 7:01 አሌሊተ እስመ ኮንኩ ከመዘ ያስተጋብእ ቀሪመ በማእረር። ወከመ ተቅራም አመ ቀሥም ዘአልቦ አ(ስ)ካል ዘይበልዕ ደቂቅ። አሌላ ለነፍስ።

Mic 7:02 እስመ ኀልቀ ኀር እምድር ወአልቦ ሰብአ ዘያረትዕ ኩሎ ለነፍሱ ይሴንን ወኩሎ ያጠውቅ ቢጸ ወያመነደብ።

Mic 7:03 ወያነሥኡ እደዊሆሙ ለእኩይ መልአክኒ ይስእል ወመኩንንኒ ይየውህ ይረክብ ፍትወተ ነፍሱ። ወአጠፍኦ።

Mic 7:04 ለበረከቶሙ ከመ ፃፂ ዘይበልፅ ወየዐርግ ዲበ ንዋይ በዕለተ ጽልመት። አሌለኪ በጽሐኪ ፍዳኪ ወይእዜ ይበጽሐሙ ገዐር{.}፡

Mic 7:05 ወኢትትአመንዎሙ እንከ ለአዕርካቲክሙ ወኢትተወክልዎሙ ለመልአክት በውስተ ምስካቢክ{.} ተዐቀብ ከመ ትእበያ።

Mic 7:06 እስመ ወልድኒ ያጋስር አባሁ ወወለትኒ ትትነሣእ ዲበ እማ ወመ(ርዓ)ትኒ ላዕለ ሐማታ ወኵሉ ሰብአ ቤቱ ይፃረሮ ለሰብእ።

Mic 7:07 ወአንሰ ዲበ እግዚአብሔር አዐርፍ ወእሴፈዎ ለአምኪየ ወመድኅንየ ወይሰምዓኒ አምኪየ፡

Mic 7:08 ወኢከውን ስላተ ጸላኤየ ወእመሂ ድሕፅኩ እትነሣእ ወእመኒ ነበርኩ ወስተ ጽልመት እግዚአብሔር ያበርህ ሊተ{.}፡

Mic 7:09 ተግሣጸ እግዚአብሔር አንሰ ተዐገስኩ እስመ አበስኩ ሎቱ እስከ ያጸድቅ ፍትሕየ ወይገብር ሊተ ቅሥትየ ወያገብአኒ ውስተ ብርሃን ወእሬ(ኢ)ያ ለጽድቁ።

Mic 7:10 ወትሬኢ ጸላእትየ ወትለብስ ኅፍረተ እንተ ትብለኒ አይቴ ውእቱ እግዚአብሔር አምላክከ ወይሬእያሃ አዕንቲየ ይእዜ ትከውን ከመ ፅንጉን ዘይከይዱ በውስተ ፍኖት፡

Mic 7:11 ወታጠፍአኪ ይእቲ ዕለት ወትማስን ሕገኪ ይእቲ ዕለት።

Mic 7:12 ወይትዐጸዋ አህጉሪኪ ወይትካፈልዎን ፋርስ ወይትካፈሉ አህጉሪኪ ጽኑዓት እምጢሮስ እስከ ፈለገ ሶርያ። ወእምባሕር እስከ ባሕር ወእምድር እስከ (አ)ደብር።

Mic 7:13 ወትማስን ምስለ ኵሉ ዘይነብራ እምፍሬ እከየ ምግባሮሙ።

Mic 7:14 ረዐይ ሕዝበከ በበትርክ ለነገደ አባገዐ ርስትከ ወይኅድሩ ባሕቲቶሙ ወይትረዐዩ ውስተ አም ዘማእከለ ቀርጫሎስ ዘባሶን ወገላኦድ። በከመ መዋዕለ ዓለም።

Mic 7:15 ወበከመ መዋዕል ዘአመ ዐርጉ እምግብጽ ወትሬኢዩ መንክረ፡

Mic 7:16 ወይሬኢዩ አሕዛብ ወይትዌሐኩ በኵሉ ኅይሎሙ ወይወዲዩ እዴሆሙ ዲበ አ{.}ፋሆሙ ወይጠይኡ እዘኒሆሙ፡

Mic 7:17 ወይልሕሱ መሬተ ከመ አርዌ ምድር። ወይጠፍሑ በምድር ወይትከወሱ በውስተ ማዕገቶሙ። ወይደነግፁ እምእግዚአብሔር አምላክነ ወይፈርሁ እምኔሁ።

Mic 7:18 መኑ አምላክ (ከማከ) ዘያአትት ኅጢአተ ወይትዐዶ አበሳሆሙ ለርስቱ ለእለ ተርፉ ወኢያጽንዐ ስምዐ መዐቱ እስመ ፈቃዴ ምሕረት ውእቱ፡

Mic 7:19 ወይትመየጠነ ወይሣህለነ ወያስጥሞን ለኅጣውኢነ ወይዌርዎን ውስተ ቀላየ ባሕር ለአበ(ሳ)ነ፡

Mic 7:20 ወትሁቦ ጽድቀ ለያዕቆብ ወሣህለ ለአብርሃም በከመ መሐልክ ለአበዊነ በመዋዕለ ትከት።